



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბოლოკა

ბოლოკა (*Rapistrum rugosum*), ხეშეშენვიანი ერთწლოვანი ბალახოვანი მცენარე ჯვაროსანთა ოჯახისა.

მისი ღეროს სიმაღლე 30 – 100 სმ აღწევს. ქვედა ფოთლები ყუნწიანია, ზედა – მკდომარე. მტევნებად შეკრებილი ყვითელი ყვავილები აქვს. ნაყოფი მოკლენისკარტიანი შიშველი ჭოტაკია. საქართველოში გვხვდება სამეგრელოში, აჭარაში, გარე კახეთსა და ქართლში.

იზრდება მშრალ ფერდობებსა და გორაკებზე, ნათესებში, გზის პირებსა და დანაგვიანებულ ადგილებზე მთის ქვედა და შუა სარტყელში. გავრცელებულია აგრეთვე იმერკავკასიაში, ამიერკავკასიაში – სომხეთსა და აზერბაიჯანში, შუა და აღმ. ევროპაში, ხმელთაშუაზღვისპირეთში, მცირე აზიასა და აღმ. ანატოლიაში, აგრეთვე ირანში.

ლ. ხინთიბიძე
